

BASES DA CONVOCATORIA DO CONCURSO DO CARTEL ANUNCIADOR DA FESTA DO VIÑO ALBARIÑO 2022

1.- Obxecto.

1.As presentes bases teñen por obxecto a regulación da participación e concesión do premio que se concederá ao gañador do Concurso para a elección do "Cartel anunciador das festas do Albariño 2022", declarada de Interese Turístico Internacional por Resolución de 31 de agosto de 2018, da Secretaría de Estado de Turismo, pola que se concede o título de Festa de Interese Turístico Internacional á festa "Festa do Viño Albariño" de Cambados (Pontevedra).

2. Este concurso rexerese polo establecido na presente convocatoria; na Lei 9/2007, de 13 de xuño, de Subvencións de Galicia; na Lei 38/2003, de 17 de novembro, Xeneral de Subvencións; no Regulamento Xeral da Lei de Subvencións aprobado por Real Decreto 886/2006, de 21 de xullo; na Lei 39/2015, de 1 de outubro, do Procedemento Administrativo Común das Administracións Públicas; no Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas; na Ordenanza Xeral de Subvencións do Concello de Cambados (BOPPO nº 217 de 10 de novembro de 2004) e nas restantes normas de dereito administrativo que no seu caso sexan aplicables, e na súa falta, as normas de dereito privado.

2.-Aplicación orzamentaria.

Os gastos inherentes ao presente certame por un total de 600,00 euros se imputarán á aplicación orzamentaria 3380.48100.

3.- Concorrenza competitiva.

O premio inherente a este certame se concederá en réxime de concorrenza competitiva, previo estudio e valoración por parte do xurado.

4.- Participantes.

Poderá tomar parte neste certame calquera persoa física (+18) ou xurídica sen máis limitacións cas impostas pola legalidade vixente.

En todo caso as persoas participantes deberán cumprir os seguintes requisitos:

- Non estar incurso en ningunha das prohibicións para ser beneficiario de subvención establecidas no artigo 13 da Lei 38/2003, de 17 de novembro, Xeneral de Subvención.
- Estar ao corrente das súas obrigas fiscais e tributarias coa Agencia Estatal de la Administración Tributaria, coa Axencia Tributaria de Galicia e co Concello de Cambados.
- Estar ao corrente, se fora o caso, das súas obrigas coa Seguridade Social.



5.- Obras.

- Cada participante poderá presentar un máximo de dúas obras, que deberán ser orixinais e inéditas e os concursantes se responsabilizan totalmente de que non existen dereitos de terceiros nas obras presentadas así como renuncia a toda reclamación por dereitos de imaxe.
- Poderán realizarse con calquera técnica pictórica, fotográfica, informática, etc.
- A temática, aínda que libre, debe reflectir o que simboliza a Festa do Albariño para Cambados. Valorarase positivamente a creatividade, a orixinalidade e a inclusión de expoñentes da cultura e do patrimonio relacionado co viño e a vila.
- Deixarase unha franxa na parte inferior do cartel suficiente para poder engadir os logotipos dos organizadores e colaboradores.
- O texto incluído no cartel deberá ser:

LXX FESTA DO VIÑO ALBARIÑO
CAMBADOS, do 29 de xullo ao 7 de Agosto de 2022
Declarada de Interese Turístico Internacional
www.cambados.gal

6.- Modo de presentación.

As obras deberán ser presentadas en dous soportes:

A. Dixital, nun sobre pechado, que levará no exterior un LEMA. No interior incluírase:

- Gravados en alta resolución nun USB, en formato editable: Adobe Photoshop, Illustrator ou CorelDraw. Excepcionalmente os orixinais realizados con técnicas pictóricas (óleo, acuarela, guache, pastel, etc) poderán ser admitidos sen soporte informático.
- Nome e apelidos do autor.
- Fotocopia do D.N.I.
- Dirección, teléfonos de contacto e correo electrónico.
- Ficha de inscrición (Anexo ás presentes Bases).

B. Impresos e pegados sobre cartón pluma, debidamente protexido, de tamaño 42 x 60 cm, (dim A2) onde se incluírá no reverso do cartel o LEMA.

Os envíos internacionais deben especificar no paquete: Sen valor comercial / Para uso cultural.

7.- Publicación da convocatoria e prazo de presentación.

1. Os traballos poderán ser presentados a partir do día seguinte da publicación do extracto da convocatoria no BOPPO na forma e termos previstos na Lei 38/2003, de 17 de novembro, Xeral de Subvencións, en relación coa Base de Datos Nacional de Subvencións.

2. Os traballos serán presentados ou enviados (con xustificante de Correos) no rexistro del Concello de Cambados (Praza do Concello s/n 36630 Cambados –



Pontevedra, Galicia, España).

3. Os mesmos deberán ser presentados ou enviados antes das 13:00 horas do día 1 de xullo de 2022.

8.- Condicións.

A obra premiada e todos os seus dereitos pasarán a ser propiedade do Concello de Cambados, que, así mesmo, reservase o dereito de reprodución da obra gañadora, citando ao autor/a.

Cos carteis presentados ao concurso e que cumpran as Bases, o Concello reservarase a posibilidade de efectuar as exposicións públicas que estime convenientes. Os carteis que incumpran algunha Base non se exporán. Os participantes que desexen manter o anonimato na indicada exposición deberán manifestado expresamente na súa ficha de inscrición no concurso.

Ante a imposibilidade de garantir aos autores a súa devolución e a non utilización dos mesmos a outros fins alleos ao concurso, as reproducións físicas dos carteis participantes, unha vez expostos para a reunión do xurado, medios de comunicación e público en xeral, serán conservados durante dous meses a partir da data de entrega á espera de ser retirados, logo do cal serán destruídos.

9.- Xurado.

O xurado do Concurso de Carteis da Festa do Albariño 2022 estará presidido polo Concelleiro de Cultura ou persoa en quen delegue.

Do mesmo xeito, formarán parte, representantes do Consello D.O. Rías Baixas, artistas do país, deseñadores gráficos e técnicos de cultura, nun número impar non inferior a tres.

Os membros do xurado non poderán ser familiares dos concursantes nin estar comprendidos en causa de recusación dos artigos 23 e 24 da Lei 40/2015, de 1 de outubro, de Réxime Xurídico do Sector Público.

O Xurado será competente para avaliar as solicitudes presentadas conforme aos criterios anteriores e emitir informe/acta no que se concrete o resultado da avaliación efectuada. O Xurado, á vista das avaliacións realizadas, emitirá o correspondente fallo que elevará ao órgano municipal competente, previa fiscalización, para a súa aprobación definitiva. Este acordo poñerá fin á vía administrativa.

10.- Prazo para resolver e comunicar.

O prazo máximo para resolver e notificar o acordo non poderá exceder de 15 días naturais, contados desde a data de finalización do prazo de presentación de solicitudes.

11.- Concesión do premio.

O Acordo de concesión do premio será publicado no taboleiro de anuncios do Concello de Cambados aloxado na sede electrónica municipal (<https://cambados.sedelectronica.gal>), aos efectos do disposto no artigo 26 da Lei 38/2003, do 17 de novembro, Xeneral de Subvencións e artigo 45.1.b) da Lei



39/2015, do 1 de outubro, de Procedemento Administrativo Común das Administracións Públicas. Do mesmo daráselle traslado á Base de Datos Nacional de Subvencións.

O acto de resolución da subvención esgota a vía administrativa. De acordo co que dispoñen os artigos 123 e 124 da Lei 39/2015, do 1 de outubro, de Procedemento Administrativo Común das Administracións Públicas, contra a resolución poderase interpor un recurso potestativo de reposición, no prazo dun mes contado desde o día seguinte ao da recepción da notificación, ou directamente un recurso contencioso-administrativo, no prazo de dous meses, contados dende o día seguinte ao da recepción da notificación, nos termos recollidos na lexislación vixente.

12.- Premio.

O Concello de Cambados concederá un único premio por valor de 600 € e diploma. A esta cantidade aplicaráselle a retención que proceda en concepto de IRPF. Mediante o pago do premio, o Concello de Cambados adquire o cartel gañador e o autor ou autores premiados outorgan ao Concello de Cambados a propiedade en exclusiva de todos os dereitos económicos de propiedade intelectual inherentes á obra premiada, e poderá libremente proceder a calquera forma de explotación do cartel tales como a reprodución, distribución, comunicación pública ou transformación durante o prazo sinalado polo artigo 26 do Real Decreto Lexislativo 1/1996, de 12 de abril, polo que se aproba o texto refundido da Lei de Propiedade Intelectual, tendo dereito a expresar a obra por calquera medio ou soporte tanxible, ou intanxible, comprendendo, todas e cada unha das modalidades de explotación, incluíndose os dereitos de reprodución en calquera soporte ou formato, así como os dereitos de distribución e comunicación pública da obra, para a súa explotación comercial en todo o mundo. Queda expresamente incluída a emisión e transmisión on-line das obras e a súa posta a disposición a través das redes dixitais interactivas, tipo Internet. Igualmente o Concello poderá explotar o cartel.

13.- Compatibilidade con outras axudas.

O presente premio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes público ou privado, nacionais, da Unión Europea ou de Organismos internacionais.

14.- Protección de datos.

Dacordo co establecido na Lei Orgánica 15/1999, informámoslle de que os seus datos persoais pasarán a formar parte dun ficheiro, cuxo responsable é o Concello de Cambados con domicilio en Praza do Concello s/n, 36630 Cambados (Pontevedra). A finalidade deste ficheiro é levar a cabo a xestión de datos dos participantes no concurso que organiza o Concello. Estes datos poderán ser cedidos aos medios de comunicación coa finalidade de dar a coñecer aos participantes e gañador ou gañadora. Se o desexa poderá exercer os dereitos de acceso, rectificación, cancelación e oposición remitíndose por escrito á dirección sinalada, achegando unha fotocopia do seu DNI.

15.- Aceptación.

A participación neste Concurso supón a plena aceptación das presentes bases e a



conformidade coas decisións de Xurado. A organización resérvase o dereito a introducir, se o cre conveniente, as modificacións necesarias para o bo funcionamento do concurso.

16.- Norma final.

En todos aqueles aspectos que non se encontren expresamente contemplados nas presentes bases ou na normativa de aplicación o xurado queda facultado para a súa resolución, así como respecto de todas as cuestións que poidan suscitarse no desenvolvemento do concurso.

17. Entrada en vigor.

Estas Bases entrarán en vigor ao día seguinte da publicación dun extracto das mesmas no BOPPO (Boletín Oficial da Provincia de Pontevedra), unha vez rexistradas na Base de Datos Nacional de Subvencións (BDNS) estarán a disposición dos interesados, xunto a ficha de inscrición, na sede electrónica municipal (<https://cambados.sedelectronica.gal>).



CONCURSO DE CARTEL ANUNCIADOR DAS FESTAS DO VIÑO ALBARIÑO 2022
FICHA DE INSCRIPCIÓN E DECLARACIÓN RESPONSABLE

D./
D^a. _____ c
on D.N.I. nº _____ e con domicilio en
_____ con teléfono de contacto : _____ e enderezo
electrónico: _____

En nome propio baixo a súa persoal responsabilidade

DECLARA

Primeiro.: Que coñece sa bases do “CONCURSO DE CARTEL ANUNCIADOR DAS FESTAS DO VIÑO ALBARIÑO 2022” e fai constar a súa conformidade e aceptación das expresadas bases a cuxo efecto manifesta:

Segundo: Que o traballo co lema: _____ que acompaña a esta ficha de inscrición é orixinal e inédito, non tendo sido premiado e ningún outro concurso.

Terceiro: Que se atopa ao corrente do cumprimento das súas obrigas tributarias e coa Seguridade Social establecidas nas disposicións vixentes, comprometéndose a xustificar esta circunstancia mediante a aportación dos documentos e certificados acreditativos cando se requirido ao efecto.

Cuarto: Que non se atopa incurso en ningunha das prohibicións para ser beneficiario de subvención establecidas no artigo 13 da Lei 23/2003.

Quinto: Que acompaña á presente ficha de inscrición os seguintes elementos e documentación:

- Traballo embalado segundo o establecido nas Bases onde figura no seu dorso o lema.
- Sobre pechado, unicamente identificado co lema, que contén esta ficha e o CD ou memoria externa con todos os arquivos esixidos nas bases reguladoras do concurso.
- Fotocopia do DNI

E para que conste asina a presente declaración en
_____, a _____ de _____ de 2022

Asdo.:

